

Pigisanit pissarsiat nammineerluni nalunaarutigineqarnissaan-nut aamma pigisanit pissarsiat akileraarutaannik (KAS) akili-nissamut ilitsersuut

Pigisanit pissarsiat ilaasa akileraaruserneqartarnerat pillugu inatsit Inatsisartut 1. januar 2018-imi atuutilersippaat.

Tamanna pivoq Pigisanit pissarsiat ilaasa akileraaruserneqartarnerat pillugu Inatsisartut inatsisaati-gut nr. 37, 23. november 2017-imeersukkut, Inatsisartut inatsisaatigut nr. 25, 28. november 2018-imeersukkut kingullermik allanngortinneqartukkut.

Inatsisit uani takuneqarsinnaapput www.inatsisit.gl

Kikkut akileraartussaatitaappat

Inuit Kalaallit Nunaannut tamakkiisumik akileraartussaatitaasut inuunermut sillimmasiissutinit so-raarnerussutisiaqarnissamullu aaqqissuussinernit nunani allaniittunit, Danmarkimiittunit Savalimmi-uniittunilluunniit iluanaarutit ilaasa akileraarutaannik akiliisussaatitaapput.

Iluanaarutinit akileraarut

Ukiumi aningaaasarsioriusumi (qaammatisiutit malillugit ukiumi) aaqqissuussinermit iluanaarutit aki-leraarutaat 15,3%-iusoq landskarsimut akilerneqassaaq.

Pissarsiassaagaluaq annaasangorsimappat taanna aaqqissuussinermit tassannga ukiuni tulliuttu-ni qulini iluanaarutinit ilanngaatigineqarsinnaavoq.

Iluanaarutit akileraaruserneqartussat tassaapput aaqqissuussinerup ukiup aningaaasarsioriusup naanerani aningaausatigut nalingata, ukiup ingerlanerani tunniunneqartunik ilasap, aaqqissuussine-rup ukiup aningaaasarsioriusup allartinnerani aningaausatigut nalingata, ukiup ingerlanerani akile-neqartunik ilasap nakingassutaat.

Aammali Soraarnerussutisiaqalernissamut aningaasaatit ilaannit pissarsiat akileraaruserneqartar-nerat pillugu Inatsisartut inatsisaanni § 3 naapertorlugu naatsorsuinissaq toqcarneqarsinnaavoq. Naatsorsueriaaseq toqcarneqartoq matuma kingorna atorneqartartussanngussaaq.

Naammineerluni nalunaarutiginninneq aamma akiliineq

Pigisanit pissarsiat nammineerluni nalunaarsuiffimmi, ukiup tulliani kingusinnerpaamik 1. maj nas-siunneqartussami allanneqassapput, iluanaarutinillu akileraarutaagallartumik akiliineq kingusinner-paamik pissalluni nammineerluni nalunaarsuiffiup nassiunneqarnerata ilutigisaanik. Akiliutigineqar-tut aningaasat soraarnerussutisiaqarnissamut aaqqissuussinermit tiguneqartut atorlugit akilerne-qarsimanersut akilerneqarsimannginnersulluunniit nammineerluni nalunaarsuiffimmi nalunaarne-qassaaq.

Akileraarutaagallartoq uunga akilerneqassaaq reg.nr. 6471 kontu 0001508196. Akiliinermi nal-u-naarneqassapput inuup normua aamma KASxxxx, tassani x-it ukiup aningaaasarsioriusup ukiuanik taarserneqassallutik.

Pigisanit pissarsiat akileraarutaannik nunami allami, Danmarkimi Savalimmiuniluunniit akiliisima-gaanni taakku akileraarutissanit ilanngaatigineqarsinnaapput. Taamaassappat aningaasat akileraarummik akiliinermut atorneqartut soraarnerussutisiaqarnissamut aaqqissuussinermit tiguneqarsi-mandersut tiguneqarsimannginnersulluunniit nalunaarneqassaaq, uppernarsaatissaalu Akileraartar-nermut Aqutsisoqarfimmut nassiunneqassalluni.

Pigisanit pissarsiat akileraarutaat Akileraartarnermut Aqutsisoqarfiup inaarutaasumik naatsorsus-savaa, akileraarullu minnaarlugu akilerneqarsimappat akiligassiissutigineqassaaq 1. september akilerneqartussangorlugu, piffissaagallartillugulu akiliiffissaq kingulleq tassaassalluni 20. september. Akileraarut annaarlugu akilerneqarsimappat utertinneqassaaq, akileraarutilu qanoq akilerne-qarsimanera apeqqutaatillugu aningaasat soraarnerussutisiaqarnissamut aaqqissuussinermut ima-luunniit kontumut, nammineerluni nalunaarsuiffimmi nalunaarneqarsimasumut nuunneqassalluni.